

Na osnovu člana 18. Zakona o predškolskom odgoju i obrazovanju ("Službene novine Tuzlanskog kantona" broj 12/09, 8/11 10/13 i 8/18), i člana 27. Pravila Javne ustanove za predškolski odgoj i obrazovanje "Naše dijete" Tuzla, te Odluke Upravnog odbora broj: 2889/2019, Upravni odbor Ustanove dana 29.05.2019. godine objavljuje:

**O G L A S**  
**ZA PRIJEM I UPIS DJECE U JAVNU USTANOVU ZA PREDŠKOLSKI ODGOJ I**  
**OBRAZOVANJE «NAŠE DIJETE» ZA PEDAGOŠKU 2019/2020. GODINU**

Poštovani roditelji,

Obavještavamo Vas da od 03.06.2019. godine počinje upisni rok u Javnu ustanovu za predškolski odgoj i obrazovanje "Naše dijete" Tuzla i traje do 17.06.2019. godine.  
 Zbog velikog interesovanja korisnika za korištenje naših usluga, molimo da na vrijeme podnesete zahtjev i osigurate mjesto za Vaše mališane.

I Upis se vrši u vrtiće: Pčelica, Poletarac, Jelenko, Ciciban, Bambi, Zeko, Snjeguljica, Lastavica, Kolibri, Sunčica, kako slijedi:

Vrtić	Broj odgojnih grupa po vrtićima
Pčelica	a) broj jasličkih grupa – 2 b) broj vrtićkih grupa – 7 c) broj grupa Programa produženog boravka – 2
Ciciban	a) broj vrtićkih grupa – 1
Jelenko	a) broj vrtićkih grupa – 1
Sunčica	a) broj jasličkih grupa – 2 b) broj vrtićkih grupa – 3 c) broj grupa Programa produženog boravka – 2
Snjeguljica	a) broj vrtićkih grupa – 1
Zeko	a) broj grupa Programa produženog boravka – 1
Bambi	a) broj vrtićkih grupa – 2
Poletarac	a) broj jasličkih grupa – 2 b) broj vrtićkih grupa – 4 c) broj grupa Programa produženog boravka – 1
Lastavica	a) broj vrtićkih grupa – 3 b) broj grupa Programa produženog boravka – 1
Kolibri	a) broj jasličkih grupa – 1 b) broj vrtićkih grupa – 3 c) broj grupa Programa produženog boravka – 1
<b>Ukupno:</b>	<b>40 odgojnih grupa – 1000 djece</b>

- Cjelodnevni boravak u radnom vremenu od 6,00 – 17,00 sati će se organizovati u svim vrtićima.
- Poludnevni boravak u radnom vremenu od 7,00 – 12,00 ili od 8,00 – 13,00 sati koji će se odvijati u svim vrtićima iz tačke I ovog stava.
- Produženi boravak u vrtićima, kako slijedi:

- Vrtić Pčelica – za OŠ Tušanj
- Vrtić Sunčica – za OŠ Brčanska Malta
- Vrtić Kolibri – za OŠ Jala i OŠ Novi Grad
- Vrtić Lastavica – za OŠ Centar i OŠ Sveti Franjo (KŠC)
- Vrtić Bambi – za OŠ Jala
- Vrtić Zeko – za OŠ Novi Grad
- Vrtić Jelenko – za OŠ Mejdan
- Vrtić Ciciban – za OŠ Miladije
- Vrtić Poletarac – za OŠ Pazar

II Programi iz tačke 1. i tačke 2. prethodnog stava će biti organizovan kao:

- **Jasličke grupe (djeca uzrasta od 6 mjeseci do 3 godine)** u vrtićima: Pčelica, Poletarac, Sunčica i Kolibri;
- **Vrtićke grupe (djeca uzrasta od 3 godine do polaska u osnovnu školu )** u svim vrtićima Ustanove.

III U okviru dnevnog boravka realizovat će se Cjeloviti razvojni program, specijalizirani programi prema interesima korisnika usluga, kao i program Produženog boravka za djecu prvog i drugog razreda osnovne škole.

IV Na oglas se mogu prijaviti zainteresovani roditelji koji žele koristiti usluge Javne ustanove za predškolski odgoj i obrazovanje „Naše dijete“ Tuzla od 01.09.2019. godine.

V Uz prijavu na oglas potrebno je dostaviti:

**Za ranije korisnike usluga obavezna je sljedeća dokumentacija:**

1. Uredno popunjen obrazac Zahtjeva za upis

**Za djecu koja se upisuju prvi put obavezna je sljedeća dokumentacija:**

1. Uredno popunjen obrazac Zahtjeva za upis
2. Izvod iz matične knjige rođenih za dijete/djecu ( original ili ovjerena kopija )

**Prioritet kod prijema i dodatna dokumentacija kojom se dokazuju prednosti pri upisu ( raniji korisnici usluga i novi korisnici )**

1. Prioritet kod prijema imaju:

a) djeca koja su u prethodnoj godini redovno koristila usluge, te ranije nije vršen raskid ugovora radi nepoštivanja ugovorenih obaveza od strane korisnika usluga i djeca podnosioca prijave za upis koji nemaju neizmirenih obaveza na dan 31.05. tekuće godine - dokumentacija i arhiva JU „Naše dijete“ Tuzla;

b) djeca bez roditeljskog staranja - uvjerenje Centra za socijalni rad o pripadanju kategoriji;

c) djeca samohranog roditelja - smrtni list ili rješenje nadležnih organa u pogledu dokazivanja

d) djeca roditelja kojima je priznat status neke od kategorija po osnovu dopunskih prava boraca i članova njihovih porodica u skladu sa Zakonom o pravima boraca i članova njihovih porodica, civilnih žrtava rata, neratnih invalida – Rješenje općinskih službi za boračka pitanja o dokazivanju statusa;

e) djeca koja se nalaze na listi čekanja na dan 31.05. tekuće godine - dokumentacija i arhiva JU „Naše dijete“ Tuzla ;

f) djeca koja imaju prebivalište u općini u kojoj se nalazi vrtić - obrazac prebivališta CIPS ili PBA3 obrazac.

2. Radi ostvarivanja prava prvenstva i bodovanja po određenom kriteriju, osim iz tačke a) i e), podnositelj zahtjeva se obavezuje za blagovremeno dostavljanje relevantnih dokaza preciziranih javnim pozivom u tu svrhu.

3. Kriterije iz tačke a) i e) provjerava Komisija prilikom analize i bodovanja svakog zahtjeva za upis djeteta pojedinačno prema službenim evidencijama davaoca usluga (Ustanove).

VI Prijem djece će se izvršiti u skladu sa odredbama Pravila Ustanove i Pravilnika o prijemu djece u Javnu Ustanovu za predškolski odgoj i obrazovanje „Naše dijete“ Tuzla broj: 2628/2019 od 09.05.2019.godine na osnovu kojeg će se vršiti bodovanje za svako dijete pojedinačno.

Navedene okolnosti se dokazuju adekvatnom dokumentacijom sadržanom u tački 5. Oglasa.

U slučaju nedostavljanja traženih dokaza podnositelj zahtjeva ne ostvaruje prednost pri upisu po datom kriteriju iz tačke 5.

VII Oglas ostaje otvoren 15 dana od dana objavljivanja.

Zahtjevi koji ispunjavaju uslove Javnog oglasa, a zbog prekobrojnosti nisu na listi prijedloga za upis, raspoređuju se na listu čekanja te se razmatraju i rješavaju tokom godine ukoliko se pojave slobodna mjesta.

VIII Prijave sa potpunom dokumentacijom dostaviti u Službu za pravne, kadrovske i opće poslove Ustanove, vrtić “Pčelica”, ul. Krečanska broj 3. (na Ircu) u Tuzli ( od 07,00 – 15,30 sati ).

IX Nepotpune i nebalgovremene prijave neće se uzeti u razmatranje.

X Podnosioci koji nisu zadovoljni Odlukom komisije mogu uložiti žalbu Upravnom odboru Ustanove u roku od osam (8) dana od dana objave rezultata.

Za sve dodatne informacije molimo da nas kontaktirate na tel: 369-921 i 369-928.

**JAVNA USTANOVA ZA PREDŠKOLSKI ODGOJ I OBRAZOVANJE  
"NAŠE DIJETE" TUZLA**

Broj: 2893/2019

Datum, 30.05.2019. godine.



DIREKTOR

*Sanja Karić*  
Sanja Karić, dipl. iur.